



বাংলাদেশ গণিত সমিতি

অফিস: গণিত বিভাগ, ঢাকা বিশ্ববিদ্যালয়, ঢাকা-১০০০

Bangladesh Mathematical Society

Office : Department of Mathematics, University of Dhaka. Dhaka-1000, Bangladesh

Website: www.bdmathsociety.org, BMS E-mail : bmsoffice1000@gmail.com

বার্ষিক সাধারণ সভার বিজ্ঞপ্তি

১ ডিসেম্বর ২০১৪

প্রিয় মহোদয়,

বাংলাদেশ গণিত সমিতির ২০১৪ সনের বার্ষিক সাধারণ সভা আগামী ০৯ জানুয়ারি ২০১৫ রোজ শুক্রবার সকাল ১০:০০ টায় ঢাকা বিশ্ববিদ্যালয়ের এ এফ মুজিবুর রহমান গণিত ভবনে অনুষ্ঠিত হবে।

উক্ত সভায় আপনার সানুগ্রহ উপস্থিতি কামনা করছি।

সভার আলোচ্যসূচী :

- ১। পূর্ববর্তী সভার কার্যবিবরণী অনুমোদন।
- ২। সম্পাদকের প্রতিবেদন।
- ৩। কোষাধ্যক্ষের প্রতিবেদন।
- ৪। কার্যকরী সংসদ কর্তৃক গঠিত সংবিধান সংশোধন সংক্রান্ত কমিটির প্রস্তাব বিবেচনা (কপি সংযুক্ত)।
- ৫। সাংগঠনিক আলোচনা।
- ৬। গণিত সমিতির কাজের পরিধি বৃদ্ধির ব্যাপারে আলোচনা।
- ৭। বিবিধ।

শুভেচ্ছান্তে

Sajeda Bannu
3/12/14
(প্রফেসর সাজেদা বানু)

সভাপতি

বাংলাদেশ গণিত সমিতি

ফোন: ০১৭১১৫৯৬৬৯৬

E-mail: tuku49@hotmail.com

M. M. Shahidul Islam
06/12/14
(প্রফেসর ড. মোঃ শহীদুল ইসলাম)

সম্পাদক

বাংলাদেশ গণিত সমিতি

ফোন: ০১৮১৯৪৯৩৭৬৭

E-mail: mshahidul11@yahoo.com

বাংলাদেশ গণিত সমিতির কার্যকরী সংসদ কর্তৃক সংবিধানের অসংগতি চিহ্নিতকরণ, পরিমার্জনা ও
সংশোধনের লক্ষ্যে গঠিত কমিটির প্রস্তাবসমূহ :

অনুচ্ছেদ ২, ধারা ২. উপধারা (২) আজীবন সদস্য
(ক) এককালীন ২০০০/- (দুই হাজার) টাকা চাঁদা এবং নিবন্ধন ফি ২০০/- (দুই শত) টাকা মোট ২২০০/- (দুই
হাজার দুইশত) টাকা দিলে সংসদ সাধারণ সদস্য হওয়ার উপযুক্ত ব্যক্তিকে আজীবন সদস্য করিয়া লইতে
পারিবেন।

অনুচ্ছেদ ২, ধারা ২, উপধারা (৩) সাম্মানিক সদস্য
কার্যকরী সংসদের প্রস্তাব অনুসারে এবং বার্ষিক সাধারণ সভায় উপস্থিত সদস্যদের দুই-তৃতীয়াংশ ভোটে
গণিতশাস্ত্রে উল্লেখযোগ্য মৌলিক অবদান রহিয়াছে এমন দেশি/বিদেশি ব্যক্তিকে সাম্মানিক সদস্য করিয়া লওয়া
যাইবে। তবে, একই কার্যবর্ষে দুই জনের অধিক ব্যক্তির নাম সাম্মানিক সদস্য হিসাবে প্রস্তাব করা যাইবে না।

অনুচ্ছেদ ২, ধারা ২, উপধারা (৪) প্রাতিষ্ঠানিক সদস্য
শিক্ষা, বিজ্ঞান, শিল্প, বাণিজ্য ইত্যাদি প্রতিষ্ঠান, ফার্ম, করপোরেশন, বিভিন্ন সমিতি ইত্যাদি গণিতশাস্ত্র বিকাশে
উৎসাহী হইলে কমপক্ষে এককালীন ১৫,০০০/- (পনের হাজার) টাকা সমিতিতে প্রদান করিয়া প্রাতিষ্ঠানিক সদস্য
হইতে পারিবেন।

অনুচ্ছেদ ২, ধারা ৩, পৃষ্ঠপোষক
উপধারা (১) গণিতশাস্ত্রের উন্নতি ও বিকাশে আগ্রহী অন্যান্য ২১ (একুশ) বৎসর বয়স্ক যে কোন ব্যক্তি এককালীন
কমপক্ষে ৫,০০০/- (পাঁচ হাজার) টাকা সমিতিতে দান করিলে পাঁচ বৎসরের জন্য পৃষ্ঠপোষক বলিয়া গণ্য
হইবেন।

অনুচ্ছেদ ২, ধারা ৪. সাধারণ সদস্যের চাঁদার হার
সংসদ কর্তৃক সাধারণ পদের জন্য অনুমোদিত যে কোন ব্যক্তি এককালীন ২০০/- (দুইশত) টাকা নিবন্ধন ফিস
দিয়া সাধারণ সদস্য হইতে পারিবেন। প্রত্যেক সাধারণ সদস্যের বার্ষিক চাঁদার হার ২০০/- (দুই শত) টাকা।
সাধারণতঃ বার্ষিক চাঁদা বৎসরের প্রথম মাসেই দেয়।
“সাম্মানিক সদস্যদের জন্য চাঁদা দেওয়া বাধ্যতামূলক থাকিবে না।” বাক্যটি বিলুপ্ত করা হউক।

অনুচ্ছেদ ৪

কার্যকরী সংসদ

১। নিম্নলিখিত সদস্যদের লইয়া কার্যকরী সংসদ গঠিত হইবেঃ

সংসদের কর্মকর্তা

সভাপতি ১ (এক) জন

সম্পাদক ১ (এক) জন

সহসভাপতি ৩ (তিন) জন

কোষাধ্যক্ষ ১ (এক) জন

যুগ্ম-সম্পাদক ১ (এক) জন

সহকারী সম্পাদক ১ (এক) জন

সংসদ সদস্য ১১ (এগার) জন

দ্রষ্টব্য : এই প্রস্তাব গৃহীত হইলে উক্ত অনুচ্ছেদের সংসদ সদস্যদের দায়িত্ব ও কর্তব্য সংক্রান্ত বিদ্যমান উপধারা

(৩) যুগ্ম-সম্পাদক, (৪) সহকারী সম্পাদক, (৫) কোষাধ্যক্ষ যথাক্রমে

(৩) কোষাধ্যক্ষ, (৪) যুগ্ম-সম্পাদক, (৫) সহকারী সম্পাদক, হইবে।

২। সংসদের দায়িত্ব

৯. সংসদ বিশেষ উদ্দেশ্যে কমিটি গঠন করিতে পারিবেন। এইরূপ কমিটি গঠনে সাধারণ সদস্যদের মধ্য হইতেও সদস্য লইতে পারিবেন।

৩। সংসদের সভা

১. কার্যকরী সংসদ সাধারণত প্রতি দুই মাসে সভায় মিলিত হইবেন। প্রতি কার্যবর্ষে কার্যকরী সংসদের অনূ্যন চারটি সভা হইতে হইবে।

অনুচ্ছেদ ৫

নির্বাচন ও ভোট

২। সংসদের নির্বাচন

“নির্বাচনী কমিশনার” কে “নির্বাচন কমিশনার” বলা হউক।

উপ-ধারা (৮)

(ক) যে সকল সদস্যের ডাক-ভোট ব্যবহারের লিখিত আবেদনপত্র নির্বাচন কমিশনার কর্তৃক নির্ধারিত সময়ের মধ্যে নির্বাচন কমিশনারের নিকট আসিয়া পৌঁছিবে, নির্বাচন কমিশনার তাঁহাদের নিকট ডাক-ভোটপত্র প্রেরণ করিবেন। ডাক-ভোটপত্র অবশ্যই নির্বাচন কমিশনার কর্তৃক নির্ধারিত সময়ের মধ্যে নির্বাচন কমিশনারের নিকট আসিয়া পৌঁছাইতে হইবে।

(খ) প্রত্যেক ডাক-ভোটপত্রে ভোটারের সদস্য নম্বর উল্লেখসহ স্বাক্ষর থাকিতে হইবে; আবেদনপত্রে প্রদত্ত স্বাক্ষরের সহিত এই স্বাক্ষরের মিল থাকিত হইবে। নির্বাচন কমিশনার ডাক ভোটারের পরিচয় গোপন রাখার ব্যবস্থা গ্রহণ করিবেন।

(গ) ডাক ভোটের আবেদনপত্র বাহক মারফত পাঠানো যাইবে; কিন্তু কোন অবস্থাতেই কোন বাহকের হাতে ডাক ভোটপত্র দেওয়া হইবে না। ডাক-ভোটপত্র আবেদনপত্রে উল্লেখিত ঠিকানায় (কোন ঠিকানার উল্লেখ না থাকিলে, সদস্য তালিকায় উল্লেখিত ঠিকানায়) কুরিয়ার/ডাকযোগে পাঠানো হইবে।

(ঘ) কোন সদস্য ডাক ভোটের আবেদনপত্রসহ অফিস চলাকালীন সময়ে নির্বাচন কমিশনের কার্যালয়ে সশরীরে উপস্থিত হইয়া ডাক ভোটপত্র গ্রহণ করিয়া তখনি ডাকভোট প্রদান করিতে পারিবেন; এই জন্য প্রয়োজনীয় খাম তাঁহাকে সঙ্গে আনিতে হইবে। এই সুযোগ ভোট গ্রহণ শুরু হওয়ার নির্ধারিত সময়ের এক ঘণ্টা পূর্ব পর্যন্ত উন্মুক্ত থাকিবে।